

REZIMEI PODRŽANIH PROJEKATA FOND ZA MLADE

Javni poziv za podršku projektima omladinskih organizacija i neformalnih grupa mladih
Broj poziva: 2 – FM – 1/2024; Broj protokola: KP-II-64/24

Aplikant: Udruženje mladih BaUM Banovići

Naziv projekta: Ista prava, iste mogućnosti

Odobreno sredstava: 4.000,00 KM

Projekat ravnopravnosti spolova usmjeren je ka rješavanju stigme mladih (populacije do 30 godina), ali i indirektno populacije odraslih preko 30 godina kada je pitanju ravnopravnost spolova, borba za jednakopravnost i provođenje iste sa papira u djela. Ideja za projekat nastala je uvidom u broj nezaposlenih žena u zajednici, odnosa u kojima se žene stavljaju u manje vrijedan položaj u javnom narativu, uskraćivanja prava djeci i mladima na određeno neobavezno i neformalno obrazovanje, te bavljenje određenim sportom u zavisnosti od spola djeteta. Kroz projekat se želi osvjestiti zajednica i smanjiti diskriminacija na osnovi roda i spola.

Planirane aktivnosti u sklopu projekta su izvođenje četiri međusobno povezane aktivnosti kako slijedi: 1. Radionice o ravnopravnosti spolova, 2. Radionice sa mladima od 18 do 30 godina u saradnji sa JU Centrom za socijalni rad Banovići, 3. Online anketiranje stanovništva na temu rodne i spolne diskriminacije, 4. Podcast emisija(na YouTube kanalu te na društvenim mrežama) o djelotvornosti i značaju sprovedenih aktivnosti i edukaciji o navedenoj temi.

Aplikant: Udruženje mladih žena "GirlThing"

Naziv projekta: Dizajn+: Razvoj kreativnosti kroz edukaciju mladih

Odobreno sredstava: 4.000,00 KM

Projekat "Dizajn+: Razvijanje kreativnih potencijala kroz edukaciju mladih" predstavlja inovativnu inicijativu usmjerenu na edukaciju i poticanje kreativnosti u području grafičkog dizajna. Ovaj projekat je osmišljen kako bi omogućio pristup obrazovanju i praktičnom iskustvu mladima koji su zainteresovani za razvoj vještina u ovoj oblasti. Glavni cilj projekta je osnažiti učesnike da steknu osnovna znanja i vještine u grafičkom dizajnu, kao i radu s relevantnim softverima za , kako bi mogli pretvoriti svoje kreativne ideje u vizualno atraktivne projekte. Učesnici će se upoznati sa osnovama grafičkog dizajna, istražiti njegove primjene u svakodnevnom životu i upoznati se sa praktičnim vještinama stvaranja vlastitih materijala pomoću Figma i Canva. Radionice će također pokriti principe dizajna, osnove softvera, razvoj projekta, pa čak i zaroniti u potencijalne dizajnerske karijere, što je čini dobro zaokruženim uvodom u svijet vizualne komunikacije. Cilj projekta je omogućiti učesnicima da steknu osnovna znanja i vještine u području grafičkog dizajna, te ih potaknuti na razvoj kreativnosti i inovacije. Kroz seriju radionica, pristup obrazovnim resursima, te praktičan rad na projektima,

projekat ima za cilj osnažiti mlade da pretvore svoju kreativnost u gotovi proizvod, te ih potakne ih da razmišljaju o primjeni grafičkog dizajna u različitim sferama života.

Aplikant: Klub borilačkih sportova Tuzla

Naziv projekta: PowerGirls: Fitness, Samoodbrana i Zdravlje

Odobreno sredstava: 4.000,00 KM

Projekat "PowerGirls: Fitness, Samoodbrana i Zdravlje" je inovativni program usmjeren na unapređenje fizičkog zdravlja i samopouzdanja mladih žena u dobi od 15 do 30 godina. Kroz niz treninga i edukacija projekat pruža integrirani pristup koji kombinuje fitness, samoodbranu i edukaciju o zdravlju.

Učesnice će imati priliku učestvovati na ukupno 8 treninga i edukacija, koji će uključivati testiranje fizičke spremne, treninge fitnessa i samoodbrane te edukativnu sesiju o zdravlju žena. Cilj je potaknuti redovnu tjelesnu aktivnost, promicati zdrave prehrabene navike, te pružiti učesnicama vještine samoodbrane i strategije za prevenciju nasilja.

Aplikant: Klub Mladih Lux Lukavac

Naziv projekta: „Prostor za Mlade - Zelena Transformacija“

Odobreno sredstava: 2.903,50 KM

Projekt "Prostor za Mlade - Zelena Transformacija" usmjeren je na rješavanje problema nedostatka zelenih površina za djecu i mlade tijekom ljetnih i vrućih dana, kao i potrebe za adaptacijom prostorija za zimske aktivnosti.

Glavni cilj projekta je uređenje vanjskih i unutrašnjih prostora koji će postati poticajno okruženje za mlade, pružajući im sigurno mjesto za rekreaciju, druženje, obrazovanje i razvoj interesa i vještina. Pored toga, u sklopu projekta je planirana e i edukacija mladih iz oblasti ekologije, u sklopu koje bi se provela akcija čišćenja šetališne staze u zajednici (Čika Mišina staza), zamjena dotrajalih kanti za smeće i postavljanje novih.

Aplikant: Udruženje LIBERO

Naziv projekta: „Imam plan biti poduzetan“

Odobreno sredstava: 4.000,00 KM

Projektom „Imam plan biti poduzetan“ udruženje želi najmanjim uzrastima predstaviti niz ideja i osnovna znanja o poduzetničkim koracima.

Cilj projekta je uticati na svijest djece školskog uzrasta o važnosti pravilnog odabira zanimanja koje će predstavljati njihov životni put, te kroz radionice podići poduzetničke kompetencije kod nadarene djece. Planirano je, kroz niz projektnih aktivnosti koje će uključivati implementacijsku seriju radionica o poduzetništvu, povećati interes mladih za poduzetnišvom kao područjem poslovanja.

Planirane aktivnosti u sklopu projekta su: 1. Definiranje kriterija, identifikacija i odabir korisnika projekta, 2. Oganiziranje radionica na temu razvoja poduzetničkih i organizacijskih

vještina kod učenika, 3. Izložba pismenih i likovnih radova na temu „Ja cu biti poduzetnik“, 4. Medijska promocija rezultata projekta.

Aplikant: KUD Modrački mornari Šerići

Naziv projekta: „Niti Tradicije“

Odobreno sredstava: 2.508,75 KM

Projekat se odnosi na održavanje izložbe narodnih nošnji u plesnoj sali Doma kulture u Šerićima, a u cilju očuvanja kulture i tradicije. Cilj je probuditi svijest kako mlađih tako i starijih generacija o samom izgledu, pravilnom oblačenju, i primjeni narodnih nošnji kroz historiju, promovirati rad društva i samog Doma MZ Šerići u kojem aktivno rade KUD "Modrački mornari", MZ Šerići, fitness klub, razne neformalne grupe, itd., te kroz projektne aktivnosti zamijeniti pod u plesnoj sali doma kako bi svi aktivisti imali optimalne uslove za dalji rad i razvoj.

Aktivnosti planirane projektom su: 1. nabavka materijala i zamjena poda u sali Doma 2. priprema nošnji i enterijera za izložbu 3. promocija aktivnosti u Domu i organizovanje izložbe tradicionalnih narodni nošnji sa zabavnim programom.

Aplikant: NG Tim mladih Crvenog križa općine Kalesija

Naziv projekta: „Kapljice koje život znače“

Odobreno sredstava: 2.355,00 KM

NG Tim mladih Crvenog križa općine Kalesija kroz ovaj projekat želi poboljšati informiranost stanovništva o važnosti darivanja krvi, stvoriti mrežu educiranih mladih ljudi koji će moći širiti važnost provođenja aktivnosti darivanja krvi kako bi se spasio život, predstaviti benefite za svakog darovatelja krvi, te unaprijediti zdravstvenu prosvijećenost svakog čovjeka s ciljem jačanja društveno odgovorne zajednice kao takve.

Planirane aktivnosti u sklopu projekta su: 1. pripremne aktivnosti 2. održavanje edukacija o važnosti darivanja krvi 3. snimanja i dijeljenja promotivnog materijala, 4. oganizovanje velike akcije darivanja krvi.

Aplikant: NG Asocijacija mladih inovatora "FuturaLab"

Naziv projekta: „Jačanje digitalne pismenosti i sigurnosti“

Odobreno sredstava: 4.000,00 KM

Projekat "Jačanje digitalne pismenosti i sigurnosti u online svijetu" odgovara na zabrinjavajući porast internet prijetnji u Bosni i Hercegovini, evidentiran u više od 16,5 miliona slučajeva tokom prethodne godine. Svjestan ovog problema, projekat se temelji na suštinskoj potrebi edukacije mlade populacije, koja često postaje nesvjesna meta sajber prijetnji zbog nedostatka digitalne pismenosti. U prvoj fazi, projekat se fokusira na registraciju novog udruženja mladih pod imenom "Asocijacija mladih inovatora - FuturaLab". Nakon formalnosti osnivanja, projekat se fokusira na različite aspekte- terensku promociju putem distribucije promotivnih materijala(letaka) u gradovima Tuzla, Srebrenik i Živinice, uspostavljanje vitalnih

partnerstava s kompanijama iz Tuzlanskog kantona, te održavanje treninga "Internet Sigurnost: Razumevanje i Prevencija za Mladu Generaciju" koja ima za cilj mladima prenijeti relevantna znanja o online rizicima, prepoznavanju prijetnji i odgovornom ponašanju na internetu, a s ciljem doprinosa izgradnji trajno sigurnijeg digitalnog prostora za zajednicu.

Aplikant: NG „Monotipija“

Naziv projekta: „Priča boja“

Odobreno sredstava: 2.150.00 KM

Neformalna grupa Monotipija ima za cilj podstaknuti kulturno umjetnički rast i razvoj kod mladih ljudi. Fokusiraju se najviše na oblast primijenjene umjetnosti i sticanje znanja kroz praktične vještine izrade dekorativnih i upotrebnih predmeta. Stavljaju naglasak na podsticanje mladih da se kroz grupne aktivnosti međusobno povežu i razmjenjuju ideje i vještine, dok istovremeno traže i svoj jedinstven kreativan izraz. Glavna misija je isticanje značaja i uloge umjetnosti u svakodnevnom životu, organizovanje kulturno umjetničkog sadržaja u gradu Tuzli, kao i stvaranje sredine u kojoj mladi ljudi mogu da razviju nove vještine i povećaju svoju kreativnost. Svi članovi posjeduju znanje i vještine u oblasti likovnih umjetnosti i edukacije mladih.

Projekat "Priča Boja" se sastoji od tri cjeline - dvije cjelodnevne radionice na kojima se stvaraju umjetnička djela i izložbe na kojoj će ista biti prikazana. Sadržaj obje radionice je isti i traju po dva dana, dok izložba traje sedam dana. Aktivnosti bi bile realizovane u Kući plamena mira, zbog jedinstvene lokacije na kojoj se nalazi i koja pruža priliku za rad na otvorenoj terasi i boravak u prirodi u toku odvijanja aktivnosti.

Aplikant: NG „Mladi sportisti Devetaka“

Naziv projekta: „Tim smo jak, igramo za Devetak“

Odobreno sredstava: 2.353,00 KM

Cilj projekta je riješiti problem Devetaka kao male zajednice u kojoj nedostaje kvalitetnih i zdravih sadržaja za djecu omladinu. Grupa će u proljetnim mjesecima održati radionice sportskog karaktera za učenike područne škole Devetak. Škola nema fiskulturnu salu, pa će se radionice za djecu održavati u školskom holu, na strunjačama, gdje se i inače realizuju časovi tjelesnog odgoja i sporta ili na školskom poligonu. Grupa u svojim redovima ima sportiste svih profila- fudbalere, rukometaše, odbojkaše, džudiste, košarkaše, karatiste, te članove sekcije Prve pomoći i Crvenog križa Lukavac. Svi oni će održati po jednu radionicu iz svake oblasti, u vidu pripremnih vježbi, kondicionih treninga, vježbi disanja, pravilnog držanja, istezanja, vježbi za stopala, osnova pružanja prve pomoći itd.

Aplikant: Udruženje "KRAV MAGA"

Naziv projekta: "Otvorena škola samoodbrane"

Odobreno sredstava: 3.450,00 KM

Ideja za projekat je došla kao odgovor na pitanje nasilja u zajednici, posebno na sve učestaliju pojavu vršnjačkog nasilja, nasilja nad ženama i sl.. Pored toga, borilačke vještine predstavljaju dobar način bavljenja sportom, bez obzira na stupanj fizičke spreme ili godine.

Idejni plan za realizaciju projekta otvorene škole samoodbrane sastoji se od sljedećih aktivnosti: 1. Predavanje i promocija po školama/fakultetima, 2. Dva besplatna treninga mjesečno u roku od 5 mjeseci. ciljne grupe su djeca, mladi i odrasli.

Glavni cilj je promovisanje vrijednosti zdravog načina života, zdrave porodice i zajednice u svrhu suzbijanja nasilja, te podizanja svijesti o važnosti samoodbrane kao jedan mogući mehanizam za pojedinca. Pored toga, ciljevi projekta su: motivisati ciljne grupe za učešće u otvorenoj školi saoodbrane, čime imamo svjesnije društvo, suzbijanje pogrešnog načina razmišljanja među vršnjacima, promovisati vrijednosti zdravog načina života, čime dovodimo do pozitivnog razmišljanja pojedinca u zajednici, te motivisati mlade za učestvovanje u sportskim aktivnostima.